



御選宋詩卷第五十九目錄

五言長律三

朱長文一首

劉夙一首

鄒浩一首

唐庚二首

傅察一首

李綱四首

汪藻一首

廖剛二首

孫覲四首

御選宋詩

卷五十九

目錄

周紫芝三首

呂本中三首

陳與義二首

曾幾一首

沈與求一首

曹勛二首

朱棹二首

鄭剛中二首

黃公度一首

范浚一首

周必大一首



范成大五首

陸游六首

楊萬里三首

朱熹四首

王十朋四首

林光朝一首

陳造一首

姜特立三首

陳藻一首

樓鑰一首

杜旂一首

御選宋詩

卷五

目錄

程秘一首

薛師石一首

周文璞二首

李昂英一首

林希逸一首

俞桂一首

陳允平一首

謝翱三首

黃希旦一首

葛長庚一首

惠洪一首

御選宋詩卷第五十九

五言長律三

朱長文

仲春上丁知府金部躬率僚寀釋奠於先聖既而升公堂命學官講書竊惟中庸之篇自安定先生嘗以是誨人閱歲既久嗣音者稀某孤陋無似竊慕前哲其敢講也今龍閣黃公嘗臨之其終講也金部使君又臨之郡儒在列咸與榮觀輒成五言律詩二十韻敘謝

天意紹斯文成書在聖孫一篇窮妙理萬古誦微言美行敷華葉精誠固本根並明參日月幽贊極乾坤奧義御選宋詩

卷五十九 朱長文 劉弁

一

誰鑽仰真儒善討論謂安定先生也披雲觀泰華行水自崑崙庠序非才處詩書素志敦崇朝羞倚席暇日廢窺園辨惑開羣聽潛心到大原意將追往哲學豈爲專門盛府連稱治者英繼典藩始終臨講席前後枉高軒全帳羅金鼎盈庭倒玉樽旌旗來有慶衿佩寂無喧士識師資貴民知道義尊僖公史館頌鄭校相君存芹藻歡欣意陵阿長育恩中材多杞梓寶器列瑤琨五紀登朝盛羣英著籍繁美哉文正學遺澤洽元元

劉弁

題仰山二十韻

維南斗牛下萬仞聳崔嵬日上光先占江盤勢却迴一

方蒙雨露幾處對樓臺不逐秦鞭去曾經禹載來雲生  
風慘澹冰泮谷喧阗險外煙嵐變深中洞府開巖花春  
灼爍溪鳥暖毳毼飛瀑合清籟垂龍走疾雷平川蕭廟  
闕半腹鄧壇摧蕭公兄弟廟在山下鄧表昔於此上并有壇存精蘊瓊瑰寶奇鍾杞梓  
材僧軒宜薜荔樵徑怯莓苔旁睨龍洲橋前瞻庾嶺梅  
仙經饒地脈賦筆讓天台神物多靈貺農田少旱災隱  
居須獨行吟詠亦難才何客能依止伊余敢語哉一麾  
誠繫滯四友阻追陪謝靈運與族弟惠遠何長瑜荀雍羊璿之共爲山澤之游時人謂之四友未脫紅塵  
累徒嗟白髮衰夢頻生枕席賞每倒樽壘預恐瓜期待  
圖歸作醉媒

鄒浩

御選宋詩

卷五元

劉弁

鄒浩

唐庚

二

次韻慎微雪

萬物歸根後端來兆物華仙姿擬鶴擎雲路擁羊車但  
喜天時正寧知帝力加有田皆玉粒無樹不瓊花浪說  
朱蹄馬空餘白首鴉酒邊深薦爽穿處巧藏窟徑斷回  
樵斧波橫倚釣槎高門委金帛陰壑脫龍蛇功茂豐年  
穀名喧好事茶叢輕頽瓦竹搖迴動籤牙蝶冷殘初夢  
蜂寒闕兩衙殷勤非俗韻瀟灑是生涯火變人窺異軍  
潛夜肅譁暗香迷綻蕊新築露平沙寸食方從寄扁舟  
未可拏只應清興在猶似子猷家

唐庚

峽路

上馬復下馬羸軀不暫停鈴聲今古道柳色短長亭亂  
石波翻雪洪崖岫破青羊歸泂絕壁鹿飲入寒汀兩岸  
橫遮月中天畧見星雲來通玉壘江去背滄溟春少花  
難折霜多葉易零愛山猶著物畏棧未忘形事業知安  
在艱危已備經宦游方此始何日遂鴻冥

游仙雲宮

出郭三竿日橫江一葦杭雀飛田有麥蠶罷野無桑下  
馬危梯滑開門古殿香雨餘丹井溢苔入醮壇荒畫老  
星辰動碑殘歲月亡鐘聲落城市符祝走村鄉野鳥啼  
巴蜀山崖刻漢唐臨歸更回首惜此一襟涼

傅察

御選宋詩

卷五十九

唐庚

傅察

李綱

三

清微亭分韻得空字

縹緲千層外縈紆一徑通飛甍明落日巨棟挂斜虹賞  
眺資公退招邀得調同九天開浩蕩萬象入牢籠水色  
連晴碧雲容借晚空清來庾公興快挹楚王風座側金  
罍倒樓昏畫角終明朝車馬客陡覺厭塵紅

李綱

自梅趣汀行小路境埵危甚六月十一日宿金

沙寺

觸熱過梅川境整鳥道邊林深晴有霧土曠畫稀煙略  
約橫溪小籃輿礙石偏亂蟬鳴翳蒼疊澗瀉潺湲閩嶺  
雖近止江鄉猶渺然何曾愁瘴癘祇是怯危顛借問勞

形役何如穩晏眠  
遭時正艱棘賦分自迴遭已幸生還  
里寧辭險著鞭  
夜涼棲野寺相對月嬋娟

自劔浦乘舟至水口溪流方漲備見湍激奔猛  
之狀賦詩以紀其事

避地適南土捨車登葉舟  
春溪渾帶雨霽石出如牛  
詰曲知操妙飄騰覺去遒  
煙籠嵐翠滴灘激浪花浮  
廉利森排戟盤迴巧轉軸  
輕生真可戒快意且銷憂  
灑瀆過三峽蓬壺訪十洲  
平生志江海暮景侶巢由  
易象觀嘉遯騷經賦遠游  
扁舟吾入手此外更何求

留題天寧明極堂

久客若飛蓬年年氣味同  
猶欣容榻地更得化人宮  
鬱

御選宋詩

卷五

李綱

汪藻

四

勃炎蒸極巍峩棟宇雄  
疎林碎搖月虛館迫舍風萬戶  
軒楹外三山指顧中  
靈潮自朝夕大舶各西東  
悵望關河遠蒼茫雲海空  
餘生寄閒曠任運學龐翁

檳榔

疎林滄海上結實已纍纍  
煙濕頰虬卵風搖翠羽旗  
飛翔金鷲鶩掩映籜龍兒  
菱落哈椰子勻圓訝荔枝  
當茶銷瘴速如酒醉人遲  
萋葉偏相稱羸灰亦漫爲  
乍餐顏媿渥頻嚼齒愁疲  
飲啄隨風土端憂化島夷

汪藻

龜山上方

度險逢幽處憑誰寫壯懷  
連甍棲絕壁孤塔表長淮  
地

本吳風接山今禹績皆潮聲從殷寺竹影自翻階木杪  
朱闌出城坳雪浪埋乾坤迷枉渚霧雨泄陰崖丹葉經  
寒在蒼洲向晚佳魚龍宵聽猿鳥晝窺齋月滿蟾珠  
實霜清磬石諧僧孟收柏子樵徑埽松釵左宦書無雁  
南烹菜有鮭風煙欺短髮雲水信殘骸竟作何鄉老虛  
慚素尚乖江湖今在眼歸合辦青鞋

廖剛

題南墩舖

兩中間後聲素所未識復度二峻嶺蓋亦拗見因紀行役之勞云

見說龍巖路猿啼今始聞深林埋宿霧高嶺出層雲天  
去頭三尺崖垂足二分只愁雙目眩敢恃一杯醺捫歷  
泥增滑瘡痛日向曛長安九軌道誰識此艱勤

御選宋詩

卷五

汪藻

廖剛

五

和周材雪詩

蜡雪緣何喜春工屬此興宿苗沾潤足盪氣滌除仍亂  
舞隨空遠輕黏徹體凝漫天飛糝玉極目皎鋪繒帶雨  
聲初急搏風勢轉增危簷飄邃幕疎屋灑寒燈瑟瑟鴉  
棲怯跳梁犬力勝須臾平坎窞頃刻沒畦塍梅李看山  
木瓊瑤數塔層寢眠寧有道賦詠愧非能郭履愁離席  
孫窗但枕肱凍從金井水清挹玉壺冰銀闕何勞問雲  
臺取次登漁蓑真好畫柳絮足多稱粟冽驚殘歲淒涼  
憶舊朋戴君聊欲訪郢調忽難應綺席交銀燭清河映  
玉繩詩成凌鮑謝酒渴飲淄澠天朗醒孤鶴風高激怒  
鵬齊宮初入夢曉鼓數聲鑿



孫覲

洞庭善慶堂置酒小詩記之

幽曲小蓬壺參差見畫圖亂青山四出一碧水平鋪洲  
蕊紅相照沙茸細欲無蓮房輶百子橘圃聚千奴布穀  
休催種提壺且勸酤楚腰飛燕燕秦乍和鳴鳴便捷驚  
回雪連娟引貫珠西風催畫鷁落日詠驪駒浩蕩川原  
隔驚呼歲月徂寥寥清夜夢直擬控搏扶

妙覺寺適軒

古寺秋崖上清風掩半關晚花明豔豔曉溜落潺潺松  
筍穿堦瘦苔窠蔽石斑翹沙憐鷺靜抱葉看蜂還心以  
空無累身從病得閒儀曹獨何事終日賦囚山

御選宋詩

卷五

孫覲

周紫芝

六

老厭風沙惡安閒且當禪開簾延白月倚杖立蒼煙鳥  
散人聲裏鐘殘客思邊小蒲風葉偃薄槿露華鮮句好  
吟鬚斷歡餘醉夢偏人生但如此何處不翛然

礧巖

日上千峰亂風涵萬壑秋兩崖坼天罅一水漲巖幽絕  
岸飛橋過尋源秉炬遊倚空翹翠葆漱石走蒼虬老樹  
攙天立奔雲接地流壯懷開浩蕩病骨聳颯颯皓首殊  
方去清樽盡日留無人與說似勝事滿南州

周紫芝

次韻道卿詠雪約遵歐陽文忠公令不得用鶴  
玉潔白等字

魯史書平尺王春喜可占弄寒初照砌逐吹旋縈簾水  
遠還迷望山高遂失尖欺梅時滿樹妬舞或凌檐鵲東  
癡如夢兒嬌喜欲拈人應橫短襪誰且卧窮閭壯士知  
何畏衰翁亦懶覘打窗時簌簌拂帽更纖纖獸炭寒仍  
在駝裘晚自添鷓鴣茶碗醜鸚鵡酒杯甜歲事新愁破  
詩章舊令嚴遙思庾樓夜萬里一寒蟾

染衣亭

聞說郊居勝新穿五畝池暗通山窈窕深住碧連漪驚  
起紅鸕鶒吹翻綠荔枝雨添衣色秀波渡襪塵遲照眼  
誰當唾臨流自可詩水清魚莫種秋近荻須移剩欲添  
風月何當更渺瀰却憐韓吏部埋甕作癡兒

御選定詩

卷五

周紫芝

呂本中

七

玉井橋

水滿雙鴛沼花開玉井蓮亭浮幽渚外人渡小橋邊白  
羽參差在跳珠次第圓風高與芬馥露重借媽妍青坂  
釣魚老朱闌聽雨眠時從客容與寧借鷺聯拳何日回  
征棹歸來賦短篇共邀池上月同看水中天

呂本中

與吳迪吉諸人赴晁季一陳塘范園之游因成  
十韻

春風未寂寞頻枉故人車客舍輕寒下邨煙宿雨餘曉  
紅留隱映新綠上扶疎妙墨懸高勝殘章得舊書蛟龍  
忽舒卷草木自清虛渺渺登臨地悠悠水竹居只今那

復有本自不關渠塘水空遺廟壘淙亦故墟同行喜佳  
士所到即吾廬政恐習池飲風流却未如

曹南過五丈河隄入城訪顏岐夷仲清談久之  
乃歸

春色不自惜落花如許愁晴天一望遠漕水十分流每  
繞長堤去頻因好句留相隨覓季主不必貸河侯論極  
文章秘居兼竹石幽和風落香燼晚日沉茶甌壯節知  
無用諸儒誤見收江山亦在眼歲月忽忘憂南郭今喪  
我長卿仍倦遊漫成長韻律勝與小蠻謳簿領憎頻過  
塵埃懶再謀何須五湖口風雨轉船頭

嚴州九日坐上呈胡明仲常子正

御選宋詩

卷五

呂本中

陳與義

今年得交舊九日會嚴州城角風雲暮天涯景色秋功  
名有長缺行李付扁舟苦恨三年別聊因一笑留病添  
文字懶老取稻粱謀活國須公等吾生便可休

陳與義

道中書事

臨老傷行役籃輿歲月奔客愁無處避世事不堪論白  
道舍秋色青山帶雨痕壞梁斜鬪水喬木密藏村易破  
還家夢難招去國魂一身從白首隨任意答乾坤

晚晴野望

洞庭微雨後涼氣入綸巾水底歸雲亂蘆叢返照新遙  
汀橫薄暮獨鳥渡長津兵甲無歸日江湖送老身悠悠

兼倚杖悄悄自傷神天意蒼茫裏村醪亦醉人

曾幾

雪中登王正中書閣

對雪誰同語登樓似欲仙人家修月戶文雪散花天山  
擁鈎簾外江橫隱八前寒深落雁渚清集釣魚船扶病  
從摩詰消愁得仲宣皮書明細字烹茗濕疎煙月好還  
同夢詩成已下絃明年倘相憶爲一到關邊

沈與求

曾宏父作詩別行簡索僕同賦

俗間忘勝踐客裏度春愁拄頰真狂計焦頭乏遠謀剛  
疎徒自許德怨浪相求奏乏三千牘詩慚一百籌豈能  
御選穴詩

卷五

曾幾

沈與求

曹勛

九

資宦達端合辦歸休遣興鷺兒酒銷魂燕子樓枯筇青  
草渡老屋白蘋洲此意無窮樂今懷未滿憂轉喉寧問  
諱繞指叵思柔二妙看騰躍頻年歎滯留花時閉深院  
雲際渺輕舟應念騎曹椽平生信謬悠

曹勛

和賀子忱喜雪

蘊玉梅初豔埋青麥自豐漸冰留水硯時喜拂窗風能  
賦懷王粲開樽憶孔融警寒方認鶴埽徑屢嗔童色動  
書帷白寒侵蠟炬紅剡溪方逸想秀句隨春工豈意疎  
慵外猶存引領中君須乘暖景一笑得相同

用李參政游延福寺韻上之

落日泉南郡秋風嶺北城台符均庶等杖屨喜幽行與  
客情文重持懷事物輕致君皆典禮躋俗向不平相業  
甌名在詞華鉢韻成豈惟才廣大且復性澄泓賤子欣  
承庇微官得代耕孤單常自畏比數欲誰名橐有書千  
卷家無屋一楹朝廷今再造心跡漸雙清山轉客容薄  
天迷海色橫心期奉地履鎔冶在高情

朱棹

九日與數客登善福院之絕頂晚飲茗飲閣子  
以病先歸賦十二韻

風日追佳節一川秋意昏臨高分石磴却立數煙村楚  
製隨雲物蠻花照酒痕龍山嗟未久藍水想空存鴻雁  
御選宋詩

卷五九

曹勛

朱棹

鄭剛中

十

姚大本以李義山詩韻作詩題息軒繼作

隱几心疑水攜盆影照山六窗開畔岸一榻埽中間柏  
子方饒舌花枝忽解顏定餘牛自牧夢起蝶相關閭闔  
初無路蓬萊別有班藏舟知夜失面壁竟西還老矣從  
他笑公乎伴我閒乾坤詩更好分寸許躋攀

鄭剛中

和方景南乍晴

闌暑如秋近淮濱氣已清風雷驚夜雨鐘鼓報新晴霧散槐庭曉雲開魏闕明馬行朝露穩人喜積陰傾初鳥方爭出殘蟬莫亂鳴小窗偏得睡更待晚涼生

擬送楊帥

久戍思賢日中興入覲時旌旗生喜氣梅柳動寒枝報國心偏苦安邊計自奇一軍常北出萬騎絕南窺結軌聞修好橐弓謹退師浩歌藏戰甲雅拜習朝儀天近雷風迅雲深雨露滋告庭行有命祖載敢無詩雪意留金勒歌聲寄玉卮明年秋秣賤釀酒約歸期

黃公度

鳥影度寒塘

御選宋詩

卷五元

鄭剛中

黃公度

范浚

二

秋色滿瀟湘天寒元鳥翔數聲離疊嶂片影度橫塘風翻搏寥廓煙蹤入渺茫乍隨萍苻沒還共水雲長冷浸千尋碧斜侵兩岸霜凝眸西塞遠幾點帶殘陽

范浚

避盜泊舟武康遠光亭下與同行分杜工部

詩傷秋及宿江邊閣

錄一首

帶郭人煙少通村徑路微水光浮棟宇野色動窗扉小樹無重數前山不合圍艱危臨虎窟奔迫詭牛衣白舫竟何適丹楓看即稀西園小茆屋知復幾時歸

周必大

明堂慶成二十韻

親饗嚴三歲邦彝重九筵祖宗垂統大天地著功全惟  
睿崇昭振于時展吉蠲發揮皇祐日潤色紹興年稽古

千齡契齋心十日專揭名新扁榜御書明堂及明堂之門書冊屏葦糴

祝冊御名以九月之七日書假廟陰雲剝升煙皓月圓無風搖燭影有瑞

燦星躔不值連宵雨那彰倏霽天二觴猶翼翼百拜愈

乾乾三日行禮上拜百餘歸次徒勞奏酌獻畢有司依舊制請歸小次上弗許立俟亞終獻行禮回班特許

朕駕來百官例側班階止之賀儀隨仗入霑澤御樓宣禮畢即時垂拱殿受賀獻

昨金絲合簪花錦繡鮮慈皇顏有喜聖孝古無前肆赦方畢即時

獻昨德壽宮禁衛皆賜花和氣騰都邑歡聲遍海壖祺祥應曼羨壽祿自

延綿臣也芻蕘賤恩斯雨露偏執綏華蓋裏草赦玉堂

邊玉堂殿名第頌甘居後逢辰幸獨先四方今日靖申誦我將

御選宋詩

卷五

周必大 范成大

十一

篇

范成大

除夜書懷

運斗寅杓轉周天日御迴夜從冬後短春逐雨中來鬢  
綠看看雪心丹念念灰有懷憐斷雁無思惜疎梅絮厚  
眼生顚蔬寒腸轉雷燭花紅瑣碎香霧碧徘徊昨夢書  
三篋平生酒一杯牀頭新曆日衣上舊塵埃搖落何堪  
柳紛紜各夢槐隙光能幾許世事劇悠哉岐路東西變  
義娥日夜催頭顱元自覺懷抱故應開踴躍金何意青  
黃木自災身謀同斥鷃政爾願蒿萊

次韻郊祀慶成

帝德重堯緒天心與舜禋慶期符後甲元日際初辛土  
緯扶南極旄胡拱北辰律諧風自良衡正斗垂寅桂燎  
靈宮曉蕭脂太室晨百神森壁壘萬衛密鉤陳日月青  
旂色雷霆玉輅塵洗兵銀漢水收雪紫壇春天步臨黃  
道仙班像玉宸陶匏宗素樸琮璧慕精純祕祝哀時對  
高旂歎下賓金鐘鳴傑簾朱火萋芳薪日麗雞竿蠹天  
旋鳳律新端門敷錫後六合共網緼

上元紀吳中節物俳諧體三十二韻

斗野豐年屢吳臺樂事并酒壚先疊鼓歲後即獮亭先擊鼓不已以迎節意燈

市蚤投瓊臘月即有燈市珍奇者數人購買之相與呼盧彩勝者得燈價喜膏油賤祥占雨雪

晴筭簞仙子洞坊巷燈以連枝竹縛成洞門多處數十重苗茁化人城蓮花燈最多檣炬疑

御選文詩 卷五元 范成大

龍見舟人接竹梳檣之表置一燈望之如星橋星訝鵲成燈橋小家厖獨踞犬高閉

鹿雙撐鹿燈屏展輝雲母琉璃屏風簾垂晃水精琉璃簾萬窗花眼密

萬眼燈以碎羅紅白相間砌成工夫妙天下多至萬眼千隙玉虹明琉璃球燈每隙映成一花蒼荀丹房挂梔子燈

葡萄綠蔓縈葡萄燈方縑繙史冊生綉糊大方燈圖畫史冊故事圓魄綴門衡燈

擲燭騰空穩小球燈時擲空中推球滾地輕大滾球燈映光魚隱見琉璃壺餅貯水

養魚以燈映之轉影騎縱橫馬騎燈輕薄行歌過顛狂社舞呈民間鼓樂調之社火大抵

以滑稽取笑村田蓑笠野村田樂街市管絃清街市細樂里巷分題句每里門作長燈

題好句其上官曹別扁名官府名額多以綉或琉璃照映早船遙似泛夾道陸行為競渡之樂謂之划早船

水偏近如生水戲照以燈鉗楮褰牢戶獄嘲啞繪樂棚山棚多畫一時可朝

謂之堦觀瑤席隘喝道綺叢爭禁鑰通三鼓歸鞭任五更

桑蠶春繭勸春蠶自臘月即入食次所以為蠶事之兆花蝶夜蛾迎大白蛾花無買錢悉戴之亦以迎春物也鳧



子描丹筆

紅畫鴨子相餽遺

鷺毛剪雪英

剪鷺毛為雪花與白蟻並戴

寶糖珍粒妝

鮓拍吳中謂之寶糖鮓特為脆美

烏膩美飴錫

烏膩糖即白錫俗言能去烏膩

粉團樂意

子熬

矜膺膊聲

炒糯穀以下俗名字妻北人名糯米花

筵筭巫志怪

香火婢輸誠

俗謂正月百草

靈故帝筆針箕之屬皆下焉多婢子之輩為之紫姑今謂之大

微如針屬尾

以針姑卜伺其尾相屬為兆名針姑

賤及葦分莖

葦莖分合為卜名草姑

末俗難訶止佳辰且放行此時紛僕馬有容靜柴荆幸

甚歸長缺居然照短檠生涯惟病骨節物尚鄉情倚摠成俳體咨詢逮里毗誰修吳地志聊以助譏評

閭門初泛二十四韻

淳熙丙午重九後十日家人輩以余久病適新修

小舫勸扶頭一出以襖被屯滯遂至北城檢校桃

花塢出關傍漕河望楓橋橫塘中路而還故有即

事詠景唐律之作

御選宋詩

卷五九

范成大

古

好在馳煙路平生載酒行摧殘身久病契闊歲頻更昨

夜燈花曉今朝稻把晴出門新夢境觸目舊詩情水遠

推篷眩天寬倚柁驚轉灣添綵挽罾岸并篙撐舫後裴

兒女艫前酌弟兄醅香新麪嫩茗味小春輕紅皺分霜

果黃薦撚夕英纈林疎露屋朱閣靜臨城桃塢論今昔

楓橋管送迎山腰樵擔動木末酒旗明竟日窞煙直中

流塔影橫數帆殘照滿一笛暮江平煦網楓邊桁牽罾

柳際棚岫雲縈石住田水穴堤鳴過渡牛歸宿穿籬犬

吠獐魚寒猶作陣雁遠更聞聲急榜潮痕出疎鐘暝色

生鄰翁欣問訊逋客愧寒盟一昨成歸卧於今負耦耕  
生涯多塌颯心曲漫崢嶸猿鶴休多怨菘蓴尚可羹藥  
囊吾厭苦扶憊且班荆

丙午新年六十一歲俗謂之元命作詩自貶

歲復當生次星臨本命辰四人同丙午初度再庚寅長  
狄名猶記沙隨會若新童心仍竹馬暮境忽蒲輪鏡裏  
全成老尊前略似春三年歸汶上千日卧漳濱剛長交  
新泰陰消脫舊屯網蛛縈藥裹寶犬吠醫人窗下烏皮  
几田間紫領巾鯢淵方止水鯤海任揚塵波匿觀河見  
維摩示病身顰端還一笑默識幼中真

文潞公詩云四人二百四十歲况是同生丙午

年僕用此事也

御選宋詩

卷五九 范成大

陸游

五

陸游

壬辰十月十三日自閬中還興元游三泉龍門  
十一月二日自興元適成都復攜兒曹往遊賦

詩

勝地惜輕別短筇成後遊門呀一徑異木落四山秋野  
鷓翔深竇蟠蛟擅古湫棧危縈峭壁橋迴跨奔流白雨  
穿林至腥風卷地浮真成起衰病不但洗孤愁登陟知  
難再吟哦爲小留回頭即萬里雪滿戴溪舟

平都山

忠州豐都縣

名山近江步蠟屐得閒行犇鹿衝人過藏丹徹夜明唐  
碑多斷蝕梁殿半敲傾洞口雲常湧簷牙柏再榮行逢

負籠客卧聽送船聲乞我誅茅地靈苗得共烹

### 秋雨排悶

今夏久無雨從秋却少晴空濛迷遠望蕭瑟送寒聲衣  
潤香偏著書蒸蠹欲生壞簷聞瓦墜漲水見隄平溝溢  
池魚出天低塞雁征螢飛明暗廡蛙鬧雜疎更藥醖時  
須焙舟閒任自橫未憂荒楚菊直恐敗吳杭夜永燈相  
守愁深酒細傾浮雲會消散鼓笛賽西城

### 憶昔

憶昔西征日飛騰尚少年軍書插鳥羽戍壘候狼煙渭  
水秋風夜岐山曉雪天金鞵叱撥繡袂舞嬋娟但恨  
功名晚寧知老病纏虎頭空有相麟閣竟無緣壯士埋  
御選定詩

卷五九 陸游

六

巴峽

獨孤

孤身卧海壩安西九千里孫武十三篇裘歎蘇

秦敝鞭憂祖逃先何時聞詔下遣將入幽燕

### 初夏

已過浣花天行開解粽筵店沽浮蠟酒步屐載秧船古  
俗交情久豐年樂事偏出波蓴菜滑上市紫魚鮮僧閣  
梅山麓漁扉禹廟壩丹青不可畫得句一欣然

### 出遊

八月石帆秋聊爲汗漫遊本因尋友去却爲看山留小  
草題僧壁長吟上驛樓月能從劇飲天可寄閒愁高下  
評泉品縱橫記酒籌花開遇門入水長信船流骯髒人  
雖棄脂韋我自羞此心君不信試往問沙鷗

楊萬里

擬進士金波麗鳩鵲詩

曳練爲銀漢鎔金作月波桂花斜麗處鳩鵲得光多雲  
葉三秋淨菱花一鏡磨宮簷輝水竹觀影淡星河霧濕  
殘宵柝霜明欲曉珂螭頭餘映在劔珮已相摩

淳熙甲辰十月一日擬省試萬民觀治象詩

魏闕春風裏豐城曉日端三朝垂治象萬姓得榮觀老  
穉看如堵章程炳若丹九天新雨露一札妙龍鸞遠覽  
周官舊重瞻漢詔寬歡聲將喜氣銷盡柳邊寒

擬歸院柳邊迷詩

玉殿朝初退金門馬不嘶院深歸有處柳暗迹都迷紫  
御選宋詩

卷五

楊萬里

朱熹

七

陌春無際青絲舞正齊風煙忘近遠樓閣間高低殘雪  
鶯聲外斜陽鳳掖西少陵花底路物物獻詩題

朱熹

春雪用韓昌黎韻同彭應之作

既有陽春曲那無白雪謠連天飛不斷著地暖還銷未  
掩高人戶難齊衲子腰稍開銀世界漸長玉枝條興盡  
愁煙艇行迷認野橋酒腸渾欲凍吟筆爲誰搖殘臘成  
三白餘寒又一朝香隨梅蕊落輕伴柳花飄神女羞捐  
佩鮫人敢獻綃東皇應好事避舍亦相饒

寄雲谷瑞泉菴主

憶昔誅茆日山房我自名風埃猶俗累煙雨負巖耕多

謝空門侶能同物外情肯來分半壑聊爾度平生少待  
清秋日閒尋遠嶽盟不知誰是客一笑絕塵纓

擬縣補以蟲鳴秋詩

天籟誰爲主乘時各自鳴如分百蟲響來助九秋清未  
歇吟風調先催泣露聲乾坤闢氛氣草木斂華英易斷  
愁人夢難安嬾婦驚惟應廣成子萬感不關情

古語云絡  
緯鳴懶婦

驚見  
詩疏

三月晦日與諸兄爲率真之約徘徊石馬晚集  
保福偶成短句奉呈聊發一笑

春服明朝換晴川漲綠陰追隨皆勝侶邂逅即初心社  
蹟莓苔古禪扉竹樹深移尊真惜日畢景共披襟儉德

御選宋詩

卷五九

朱熹

王十朋

六

遵賢範哇詞愧雅音清和應更好逸想寄雲岑

是日約後  
會爲仙洲

遊之

王十朋

元鳥至

昆蟲方啓戶元鳥亦知辰去自盲風候來逢化日春深  
條煙雨濕廣廈羽毛新故壘尋遺跡雕梁拂舊塵早鶯  
宜結友秋雁不同賓嘉爾能知義無忘舊主人

遊開先寺觀香爐瀑布諸峰讀李蘇二仙詩知

廬阜之勝在是紀以十韻

廬山何處好勝地有開先瀑水漱寒玉香爐生紫煙碧  
霄常近日黃石不知年雁蕩龍湫合豐城寶劍連龜行

似朝斗鶴唳欲冲天馬尾只自洗牛頭奚用穿雄辭惟  
太白妙句更蘇仙寺占星流處橋飛月出邊碑方閱華  
藏夢已到棲賢明日游三峽歸心定決然

知宗柝詩用韻頗險予既和之復取所未用之  
韻續賦一首三十韻

書閱揚州貢功觀禹化覃香苞分橘柚秋色動江潭李德裕橋賦動江潭之秋色

破暑花凝雪凌寒葉染藍金衣晴日照唐宰相賀

朱實碧波涵柳子厚詩何人摘實見垂珠未上諸侯計曾聞四皓

談顏歡陸績母業世李衡男送客愈吟桂韓退之送桂州嚴大夫詩云家自種黃柑

記時坡詠儋東坡在儋耳詩一年好景君須記正是橙黃橘綠時洞庭夸浙右温郡冠江

南節物清霜重家山綠蒂含青黃出籬落朱綠耀林嵐

御選宋詩 卷五元 王十朋 元

柳子厚詩密林耀朱綠宣政間温州貢柑每顆值一二十

新宜薦寢廟香可供瞿曇夔子那能比羅浮未許參予往

在品寧為四李直方第果實名柑子第四蒙恩或賜三李德裕賦序上賜宰臣等朱橘各三枚鄉情

寄初熟旅况憶幽探嘉拜親開合珍藏淨洗甌甌及器也以新柑貯以

為最 泥尋斥鹵擔種柑宜鹹地荒蕪耘徑草封植伴溪柵不用干陽縣泥山

頭富聊資一餉湛茅齋闢杜甫仙井吸蘇耽神仙蘇耽鑿井種橘佳

境妙餐蔗閒庭勝蒔苜苜甘草也醫家謂之國老柳子厚詩蒔藥閒庭延國老雁行三峽荔

奴視四明蚶欲繼花為譜歐公作牡丹譜應同柳駐驂歐公柳詩繫條

禦偷籬著棘愁凍灌添泔泔米汁也鄉人冬月用以灌柑掩映青雲葉光華

碧玉簪釀成浮甕蟻蒸辟蠹書蟬柑橘花蒸以為香可解衣書之蠹護蒂期

存乳柑欲致遠必以蠟塗其蒂留皮欲去痰皮能下氣醫家用以治痰恨無親可遺松慘白

巖菴

### 擬賦江南寄梅花詩

蔚宗居隴首陸凱在江南手折梅花寄人逢驛使堪吳  
都尋半吐楚岸摘新含雪裏開纔一樓頭弄未三情深  
殊折柳意重勝題柑溪上千株玉歸與待自探

林光朝

### 癸巳東宮生日

昭代濬源遠高秋寶月前神光浮蜀道瑞氣貫秦川銀  
榜應如舊金莖若箇邊龍樓清晝出鶴禁彩雲連妙選  
御選宋詩

卷五

王十朋

林光朝

陳造

二

衣冠藪旁開道德淵重又分九六曲禮盡三千歲閨緣  
長層霜清欲上弦每看襟燕日已入夢熊篇沆瀣通三  
殿笙鸞共一天東明到西極作頌自年年

陳造

### 再遊殖軒小酌

生世岐喧靜平章有不如宦途吾畫虎濠上子知魚去  
索長安米歸紬笠澤書茲軒住蒼莽勝日復躊躇酒殘  
扶頭後鶯聲禁火餘蘭風度樽俎蝶翅略襟裾有底煙  
霄意便為水竹居可須供麩蘖未後課耰鋤花蓓紅酣  
日池光碧浸虛鶴頭依綠荇龍骨開清渠詩境因超忽  
愁端得破除時從一吟醉小計百車磔

姜特立

湖光爲劉慶遠作

湖水浸坤軸湖光混太清風來縠紋遠夜靜鏡奩平初  
訝琉璃軟還疑組練橫微茫連澤國激盪感環瀛破碎  
翻千月泓澄印萬堯雨來添點綴日射鬪晶明橋影虹  
垂澗杉陰幕覆楹魚跳全薦玉山卧半沉瓊小汎依吳  
榜長謠任楚萍屈原終獨醒李白漫消醒暇日宜呼客  
平時好濯纓吟哦萬景集未足稱詩情

歌豐年

稔歲非常歲時時霧雨并陂塘留夜月澗谷瀉秋聲卧  
袂驚宵冷披紗怯曉清水泉俱自足阡陌更無爭荷鍤  
御選宋詩

卷五十九

姜特立

陳藻

三

梅澗

勝事人間少芳堤盡種梅橫枝出疎影靈枿長蒼苔瀟  
灑依湍瀨飄零落酒杯戲魚時躍去凍蝶忽飛來宛似  
孤山見還如庾嶺開只將松作友更與竹爲媒迴出千  
林表真成百卉魁羞爭桃李豔自是棟梁枚止渴將軍  
智調羹上相材風光無著處吟思發春雷

陳藻

城山



雲霧成佳景天明又幾回忽攜詩句入別放畫圖開遠  
樹沉如立行歌去似來小船衝雨過高柳接湖裁月傍  
孤青樹名呼怪石臺故園無夢想近擬築巖隈

樓鑰

經筵講詩徹章進詩

聖主承丕祚於今歲幾遷昭回光飾物剛健位乘乾善  
治新更化當陽獨攬權誅鉏及共繇擢任列閣顛舊日  
方謀始宸心最急先未遑親政理首務闢經筵恭儉甘  
卑室尊嚴拱細旃晝居勤已甚坐侍禮無前講徹詩三  
百時逢運半千諸儒深論說六義極摩研俯閱毛公傳  
旁參鄭氏箋慨尋中古意重是素王編舊本三千首終

御選宋詩

卷五九 陳藻 樓鑰

三

存十二篇雖遭煨燼厄所賴詠歌全開迹因農事安民  
在井田成功時邁勺興業大明繇東國思平賦南山樂  
得賢艱難由后稷勞來美周宣起自紹熙載迨茲嘉定  
年關雖後肇彼殷武遂終焉寵數傳中旨恩光被邇聯  
神文期繼踵元祐信齊肩內殿頌雲騎雕鞍絢錦韉茗  
分龍焙品香拂御爐煙舞役咸宣力孤生亦備貢少時  
曾學製老去未忘筌納祿誠休矣歸畊久晏然鈴車俄  
促名梓里謂登仙詞禁容揮翰天官命典銓豈知侵暮  
境重得侍甘泉朽質何能報孱軀殆欲捐尚思求諫諫  
海嶽效塵涓

杜旃

賦賢已錄

靜觀趙使君喜棋  
有是錄約子賦詩

物理因人創神機自古傳揚雄嗟有法孔子歎猶賢勝  
負存虛實初終謹後先按圖嚴畫井起數象周天百戰  
期爭道三隅察守邊開基思漢祖復土想周宣審勢攻  
無備沉幾救未然勝心遊碧落幽思及黃泉冒利魚貪  
餌乘虛雁落弦紛爭忘父子迷惑到神仙守必防重柝  
攻須出萬全妄興侵伐意私擅殺生權給弄心懷詐包  
藏智益元甘辭韜甲冑險志匿山川諱忌真情露矜誇  
小數專怯圍潛却步貪得暗垂涎見逼難思進相持莫  
敢前蹈危鬚捋虎役志耳鳴蟬意滿渾忘食神馳更廢  
眠弱形遭毒手短節不空拳悔誤徒批頰矜高欲比肩

御選宋詩

卷五

杜補

程琰

五

禍胎還隱伏陣勢漫懸延詭道非存正羸師合忌堅設  
心逾虺蜴攫子甚烏鴛造妙羣心妬趨亡衆目憐淺謀  
徒躁進重地莫輕捐黑白因材見雌黃論豈偏高人真  
託興遠見始忘筌鑿戒無忘此防虞蓋有焉請看奕碁  
句何愧鬪雞篇

程琰

賦得紅藥當堦翻

禁近煙光潤堦平日影暄黃麻芳草罷紅藥正花翻  
色浮春動清陰匝午繁心傾青瑣客香滿紫薇垣漏永  
文書靜天低雨露温人言有仙骨早晚拜明恩

薛師石

橫參樓和老杜韻

僻懶便幽處江湖稱隱心地偏欣改觀樓豁喜初臨暖  
日低輕帽良朋接短襟潮聲全有韻帆影半回陰翠麓  
添重色鱸風出淺林嶼頭煙瘴遠沙觜浪痕深寂靜雲  
歸窅闌珊月近參人家已鼾睡漁父尚謳吟造化由來  
久周迴忽見今愛他斜日照顛倒數山沉

周文璞

過葛天民新居

爲憶空山雨因嗟短鬢霜幅巾終日仄侍女古時妝烏  
相殘林外丹砂舊井傍不留禪月畫只踞淨明牀湖鏡  
秋容淡雲妝曉露香汲泉須透脈種果便成行使鶴過  
御選宋詩

卷五

元

薛師石

周文璞

舌

村店攜奴上野航極知秦外叟全似賀知章對佛稱居  
士翻經悟法王自將詩檢校尤與竹商量嗟我渾無賴  
非公不作狂莫移松下石老子要乘涼

閒居日有幽事戲作

竹暗僧窺戶莎寒鶴上廳壁懸陳處士屏貼少微星纍  
甕爲疏圃埋盆學蓼汀自知癡得計常用醉爲醒野客  
兼稱僕幽禽代作伶浴鳧翻碧澗鬪雀隨空庭算數推  
三甲防身名一丁案頭松葉響牆角柚花馨梵庋堆書  
笈醪罌隱粟餅茅茨隱煙雨雞犬也忘形

李昂英

觀定堂

梵宮凭水建蓬荻費芟除岸破羣魚出枝危獨鶴居定  
鐘僧睡早揮塵客談虛月滿龕燈小風停幡影疎供盤  
多佛果僧飯飽園蔬惟有開山老清高閉草廬

林希逸

山邨暮歸

點點殘鴉過孤邨帶落暉籬邊聞犬吠山下有人歸遠  
岫連芳塢長林繞翠微雲深認茅屋風細颺征衣樵唱  
同尋徑猿驚爲叩扉夜深燈火下兒女共依依

俞桂

和樂天初夏韻

雨脚來山岫溪痕漲岸沙插旗多酒戶挂網盡漁家地

御選宋詩

卷五

李昂英 林希逸 俞桂 陳允平

三

出網兒筍園收菜子花春歸鶯囀嬾風急燕飛斜杯瀉  
青荷葉甌煎白玉茶孤邨流水晚數點有歸鴉

陳允平

香奩體

小院薰風滿閒庭白晝長蜻蜓楊柳岸鷓鴣芟荷塘雲  
合朱簷卸山高翠閣涼蔓滋青薜荔芽長紫良薑簾幙  
深深地闌干曲曲廊淡煙瑤草細流水碧桃香幡影重  
門靜苔痕小篆荒螭盤丹鼎雪龍吸露臺漿琴古翻新  
調笙沉靜舊簧雨聲犀角枕月色象牙牀掌上雙鸚鵡  
屏間兩鳳凰石函藏寶劍金鑰啓瑤箱扇雉團清影匳  
駕試曉妝霞綃衣窄索雲錦佩玎璫髻攏金蟬轟釵橫

玉燕翔袂飄天水碧裙濺鬱金黃太液簫初遠蓬壺漏  
未央流星飛碧落零雨下銀潢去去人千里迢迢天一  
方斷腸春洛浦殘夢夜瀟湘

謝翱

中秋憶山中人

茲夕發清嘯爲君楚舞終西風五陵夢涼露九霄中野  
邏煙常起溪流榜不通天陰無乳兔林盡見飛鴻濕濕  
雲垂髮丸丸樹偃弓劒歌元武暮塵語白鷗空祇有淮  
南泪應沾青桂叢

兩宿太白

有阜陵書太白  
名山賜僧了朴

城中家斧冰此地絕炎蒸天食青童捧龍居白氣升暗  
御選宋詩

卷五

陳允平 謝翱

三

燈猶宿火寢服尚裛繒客話從前事書傳入內僧風流  
今獨盡雲物老相仍淨榻搜涼卧危闌入醉凭雨師行  
下界烏夢識中乘明發甬南去他山逢智弘

夜宿雪竇上方

雪竇師剡人住近  
支道林買山隱處

眠山枕斧柯獨客愛盤阿畏日生塵夢尋仙到鳥窠下  
方聞夕磬南斗挂秋河寢服侵雲卷頰泉通瀑和竇分  
滄海月禪入沃洲歌此地精靈聚中宵弄薜蘿

黃希旦

桂華軒

初意抑何嘉軒開號桂華欲高諸子志先擬素娥家夜  
影庭間竹秋香檻底花琴清彈淥水酒美酌流霞舊帙

惟黃卷新詩罩碧紗定知攀折處從此路非賒

葛長庚

贈鶴林

骨氣秋江月文章春苑花片心窮萬法半語辯千邪朝  
罷雞司曉醉酣蜂報衙未爲三島客笑指五雲家騎月  
遊滄海鞭霆步太霞鬼神私側目袖裏一青蛇

惠洪

陳奉議生辰

華國生賢俊江山孕秀靈鴨頭塗水綠螺髻玉笥青敏  
捷收科第奇豪見典刑笑談回暖律詩句挾風霆官偶  
求彭澤才宜在漢庭麒麟橫逆氣鸞鷲斂修翎民訟多

御選宋詩

卷五十九

黃希旦

葛長庚

惠洪

三

閒日棠陰目滿亭浪傳書課奏須看鼎彝銘仲夏逢佳  
節非煙聚杳冥數萸餘一葉推道間千齡阡陌登豐後  
笙歌爛漫聽綺筵環妙麗壽筭捧娉婷歡洽連更燭情  
高促畫屏九衢花照夜萬井月開扃風颭銀河動天驚  
玉露零三台深密處旁有老人星

御選宋詩卷第五十九

御選宋詩卷第六十目錄

七言長律一

楊億九首

梅詢一首

宋祁一首

范仲淹一首

文彥博二首

余靖一首

石介一首

張問一首

歐陽修二首

御選宋詩

卷六

目錄

蘇舜欽一首

梅堯臣一首

蔡襄一首

劉敞一首

謝伯初一首

徐積一首

王安石一首

鄭俠一首

馮山二首

蘇軾五首

蘇轍三首

蘇頌一首

彭汝礪二首

張耒二首

朱長文二首

劉弇一首

傅察一首

王庭珪一首

張綱一首

蘇籀一首

崔與之一首

汪莘一首

御選宋詩

卷六

目錄

周弼一首

汪元量一首

葛長庚一首



御選宋詩卷第六十

七言長律一

楊億

郡齋西亭即事十韻招麗水殿丞武功從事

郡齋退食復何爲縱目西亭景物奇  
疊嶂雨餘泉眼出澄潭風靜釣絲垂  
城臨古戍寒蕪闊路轉荒村野灼危  
幾處唱歌聞白紵誰家沽酒見青旗  
蝶隨遊伎穿花徑犬吠行人隔槿籬  
桃李成蹊春盡後魚鹽爲市日中時  
桑麻萬頃晴氛散絲竹千門夕照移  
吟際嶺雲飛冉冉望中壠麥秀離離  
煙迷喬木鶯遷早水滿方塘鷺下遲  
鶴蓋翩然肯相顧主人終宴豈知疲

御選宋詩

卷六

楊億

次韻和席衢州憶洛陽春遊十四韻

周漢經營迹未遐山川形勝最堪嘉  
前瞻闕塞千尋出旁逗伊流一派斜  
子晉鳳笙調夜月宓妃羅襪映朝霞  
何人貰酒青樓曉幾處尋春紫陌賒  
駿馬每從金埒試芳叢多展翠帷遮  
出逢勝境爭飛蓋歸逼殘陽競走車  
庭竹惹煙披嫩籜臯蘭裊露長新芽  
嵩峰嶒嶒疑摩斗洛水清冷欲見沙  
萬井閭閻眞陸海九重宮闕是皇家  
禁林日暖空啼鳥御苑風微自落花  
關路行人偏絡繹津橋賈客苦諠譁  
何當獻賦論遷邑便欲拋官學種瓜  
江海三年勞夢想田園二頃有生涯  
應知父老沾堯化長挈壺漿望翠華

集賢宿直寄中書李梁二舍人

耿耿銀釭照直廬西風黃葉滿庭除  
愁心不忍聞賓雁  
病眼猶能拾蠹魚  
敲枕微吟空展轉  
遶廊閒步自躊躇  
銅龍漏滴傳鈎盾  
玉兔光芒射綺疏  
薄宦久淹滄海郡  
故交多入紫垣居  
洛陽已在拜塵後  
宣室那逢膝席初  
投閣寂寥深自愧  
抱關憔悴擬何如  
寧思西掖五花判  
且補河東三篋書  
桑梓狂拋萬里外  
蓬萊試住十年餘  
釋之不調嵇康懶  
終待休官學灌蔬

次韻和十六兄先輩見寄

秋風苦憶繪霜鱗  
暫剖銅符出紫宸  
一路雪寒多挾纊  
幾程山險欲摧輪  
清香撲鼻梅林近  
秀色凝眸麥壠新  
御選宋詩  
卷六  
楊億  
二  
閉閣草元終寂寞  
下車爲政尚因循  
尋僧不厭攜筇遠  
愛客寧辭舉白頻  
簿領孜孜防黠吏  
丘園矻矻訪遺民  
魚鹽自與滄溟接  
雞犬仍將白社鄰  
官滿會須拋印綬  
武夷歸去作閒人

寄章徵君

水陸都無數  
舍程魚符龜印苦  
相縈夢魂長繞龍門坂  
姓字終懸月旦評  
鮑室清琴應獨撫  
融樽淥醑共誰傾  
春深詩石苔衣駁  
雨過書齋草帶生  
鴻寶枕中初得術  
丹臺籍上已題名  
清談宛有南朝體  
嘉遜全忘北闕情  
金馬深巖堪避世  
滄浪清淺未沾纓  
諸儒正議明堂事  
輒輒蒲輪即奉迎

章徵君見和所寄詩再次本韻酬贈

武夷山秀建溪清身隱心閒事不縈前古是非爲已任  
故鄉人物與誰評勸農春壟巾頻折逢客秋郊蓋暫傾  
綵服趨翔娛壽母絳帷談論誘諸生頰流洗耳殊非達  
谷口躬耕亦近名博奕自堪銷永日絲桐兼得助高情  
莫嫌霜雪將侵鬢須歎塵埃漸滿纓早晚鳴騶催上道  
聖君虛左欲相迎

次韻奉和知府溫尚書送致政朱侍郎十六韻

拜章納祿便歸休祕殿親辭十二旒閣筆罷批丹鳳尾  
拂衣初下六鼇頭非緣荆渚依劉表定欲箕山訪許由  
北闕子牟終眷戀南朝安石本風流明庭顧遇違三接

御選宋詩

卷六

楊億

三

別墅生涯治一丘身健寧煩策鳩杖心閒無復夢刀州  
素風有子堪傳遺禪論將誰共對酬白璧賜多應尚在  
黃金散盡不須留入欽雅譽芝蘭馥帝憶嘉言水石投  
祖帳特令開上苑歸帆那肯待高秋

侍郎辭日上令待秋涼即程堅請便行

幾程

郵驛經濃暑千里山川見舊遊已是拋官玉堂署尚思  
陪宴井幹樓時裁奏牘猶規諫旋寫丹經自校讐鄉里  
高門表陰德國朝惇史紀嘉猷枌榆舊業須重葺香火  
前緣莫廢修歲計將何資伏膺龍陽千樹木奴洲

路學士知河中府

一麾新自海濱還又佩魚符入故關千里山河臨劇郡  
九天鴛鷺別通班樓經往聖迴清蹕路接邊夷獻白環

版籍素多田賦錯于戈初息羽書閒從軍上客雕龍藻  
佐酒妖姬隨馬鬢更遣府公吟思發中條新霽碧孱顏  
鄭工部陝西隨軍轉運

西鄙攬槍未埽除營平慷慨請行初三軍粒食資心計  
一月星郵待捷書宣室喜聞延賈誼茂林久歎滯相如  
謗言盈篋親曾見反間千金計豈疎遺愛道旁喧竹馬  
先聲塞外懾穹廬馮唐莫歎淹郎署博望還忻擁使車  
隴右行收萬里地關中坐致九年儲牙籌羽檄皆吾事  
才思飄飄兩有餘

梅詢

送黃覺出鎮太原

御選宋詩

卷六

楊億

梅詢

宋祁

四

五馬雍容出鎮時都人爭看好風儀文章一代喧高價  
忠直三朝受聖知帳下軍容森劔戟門前行色擁旌旗  
雲籠古戍黃榆暗雪滿長郊白草衰出去暫開貔虎幕  
歸來須占鳳皇池鷓間未有一莖白陶鑄蒼生固不遲

宋祁

送趙御史仲禮之任南臺

天子龍沙拜法官議郎親戴辟邪冠曉辭漠北冰霜重  
秋到江南草樹寒諫疏頻煩明主聽題詩長共故人看  
應憐閭里誅求急尚布朝廷禮意寬幕下風清鳴一鶚  
臺端雪霽見雙鸞寥寥渡海三冬翻翩翩凌空五色翰  
晉代新亭蒼蘚合梁朝舊寺土花殘石城慷慨悲袁粲

別墅風流憶謝安千里憑高麾繡斧幾回攬轡並銀鞍  
靜臣事業須公等努力明時匪素餐

范仲淹

紀送太傅相公歸闕

縉紳誰敢望差肩獨向昌期協半千首會雲龍游少海  
親扶日月上中天碧油兩就元戎鎮黃閣三提宰相權  
坐致唐虞成大化退居師傅養高年閒披丹訣開爐竈  
醉度清歌被管絃同榜幾人登將相滿朝今日羨神仙  
松楸雜草思純孝里巷揮金過昔賢歸赴誕辰如允說  
輕安拜舞壽觴前

文彥博

御選宋詩

卷六

范仲淹

文彥博

五

次韻留守相公同遊龍門

鑿開青嶂啟天門直瀉伊流濺汝瀆八節驚濤鼉振鼓  
千花寶塔雁翔雲巖隈雨過飛泉漲谷口風回隋葉紛  
龕穴窿穹三像列樓臺奕煥兩崖分方陪茜旆來尋勝  
不就蒲餐趁茹葷北里笙竽皆擁從東方羅綺半酣醺  
升堂共覩瞻仙貌策杖同尋古士墳喜脫貂冠親野老  
幸隨熊軾附邦君林巒岑寂真堪賞市井喧譁漸厭聞  
人度長川猶隱映香銷古殿尚氤氳周生歸後蘭重佩  
荀令行時蕙更熏曉露未晞珠滴淚秋花爭發錦挑紋  
羣娃散步塵生韞小艇爭登水濺裙釣叟旁觀皆歎羨  
禪師迎謁盡歡欣既無冗局羈閒迹恐促回軒背夕曛

得向石頭溪上飲從今遂不畏移文

耆老會詩

九老唐賢形繪事元豐今勝會昌春垂肩素髮皆詩彥  
揮麈清談盡席珍染翰不停詩思健飛觴無算酒行頻  
蘭亭雅集誇修禊洛社英遊忝序賓自愧空疎陪几杖  
更容款密奉簪紳當年尚齒尤多幸十二人中第二人

余靖

和伯恭自造新茶

郡庭無事即仙家野圃栽成紫筍茶疎雨半晴回暖氣  
輕雷初過得新芽烘褱精謹松齋靜採擷縈迂澗路斜  
江水對煎萍髮鬢越甌新試雪交加一槍試焙春尤早

御選宋詩

卷六

文彥博

余靖

石介

六

三盞搜腸句更嘉多謝彩牋貽雅貺想資詩筆思無涯

石介

燕枝板浣花箋寄合州徐職方

合州太守鷓將絲聞說歡情尚不衰板與歌娘拍新調  
箋供狎客寫芳辭木成文理差差動花映溪光瑟瑟奇  
名得只從嘉郡樹樣傳仍自薛濤時奇章磊磊馳聲價  
江令翩翩落酒卮幾首詩成卷魚子誰人唱罷泣燕枝  
紅牙管好同牀置紫竹笙宜一處施願助風流向樽席  
杏花况是未離披

張問

題睢陽五老會圖

槐庭二老樂堯仁盛集高年洛水濱華袞具瞻雖禮絕  
白頭序齒却情親清閒几席同禪院山墅巾裘似隱淪  
樽酒椒香纔過節池塘草色已催春白公酣暢吟哦內  
衛武康強笑語頻豈獨丹青傳不朽潛欣風俗欲還淳  
芝田鶴戲調形健蓮葉龜游納息勻商皓寂寥拘小隱  
漢疎局感止家人莫因氣貌疑丹竈自有光陰寄大椿  
復得兼暮爲重客司馬君實未七十恐遺元爽在編民神仙可學  
今方信道術相忘久益眞滿座交歡祝耆壽羣生五福  
托鴻鈞

歐陽脩

夷陵書事寄謝三舍人

御選宋詩

卷六

張問

歐陽脩

七

春秋楚國西偏境陸羽茶經第一州紫籜青林長蔽日  
綠叢紅橘最宜秋道塗處險人多負邑屋臨江俗善泗  
臘市魚鹽朝暫合淫祠簫鼓歲無休風鳴燒入空城響  
雨惡江崩斷岸流月出行歌聞調笑花開啼鳥亂鈞鞞  
訟庭畫地通人語邑政觀風問里謳土俗雖輕人自樂  
山川信美客偏愁黃牛峽口經新歲白玉京中夢舊遊  
曾是洛陽花下客欲誇風物向君羞

寄梅聖俞

青山四顧亂無涯雞犬蕭條數百家楚俗歲時多雜鬼  
蠻鄉言語不通華繞城江急舟難泊當縣山高日易斜  
擊鼓踏歌成夜市邀龜卜雨趁燒畬叢林白晝飛妖鳥

庭砌非時見異花惟有山川爲勝絕寄人堪作畫圖誇  
蘇舜欽

依韻和王景章見寄

歲律崢嶸臘候深一天風雪卷愁陰故人默默懷交意  
逐客棲棲去國心千里相望空眊眊當年下吏阻追尋  
咄嗟謗口聞高誼披豁羈懷見雅吟學道元將禦窮困  
浮生何必計升沉世間機穽知難避往者圖書可自任  
猶得雲山開醉眼可無俗物撓冲襟鵬來閒暇何須怪  
鬼見挪揄豈易禁楚客留情著香草啟期傳意入鳴琴  
夫君自上丹霄去莫忘雲泉寄好音

梅堯臣

御選宋詩

卷六

蘇舜欽

梅堯臣

蔡襄

八

次韻和春日偶書

甕面春醅壓嫩藍盤中鷺炙亦肥甘正宜醉夢輕爲蝶  
苦怕酬詩密似蠶病起羊公方隱几歸來陶令只乘籃  
河堤古木欣欣暗野水新秧拍拍滄已向官資隨分足  
莫將忠憤等閒談况於世上諸般厭不作人間一例貪  
陋巷自知當退縮擁門誰解更趨參高低趣舍難爲合  
冷暖情懷固飽諳勉意妻兒猶苟祿強顏冠冕未抽簪  
唯公恩遇留連久頻對樽罍也負慙

蔡襄

城南春會

陰雲薄薄地無塵清曉城南集畫輪睢苑即時裁雪霰



潁川連夜聚星辰  
山着帖漢晴光  
擬鶯舌尋風碎  
語真芳草有情迷  
謝客落花無地問  
秦人尊前莫厭歌  
醒耳世上偏饒淚  
滿巾嘉意未闌繁  
盛減東皇底事惜  
殘春

劉敞

劉永年部署清讌堂

文丞相為作之

漢廷謀帥用詩書  
丞相今來握虎符  
帳下偏裨皆緩帶  
軍中談笑亦投壺  
故開廣榭宜高會  
自有清泉入座隅  
三輔衣冠獻謠俗  
五陵豪傑壯規模  
椎牛醴酒捐長日  
急管哀絃舞豔姝  
射取天狼作乾豆  
莫推衛霍擅西都

謝伯初

走筆寄夷陵歐陽永叔

御選宋詩

卷六

蔡襄

劉敞

謝伯初

九

舟行作險似瞿塘  
蒲峽猿聲斷旅腸  
萬里更堪人謫宦  
經年應合鬢成霜  
長官衫色江波綠  
學士文華蜀錦張  
去似長沙非黜辱  
比於連郡亦遐荒

韓退之以言事初貶連州令

可能作

賦嘲巫渚好為投  
文弔耒陽下國難  
留金馬客新詩傳  
與竹枝娘才如夢  
得多為累情甚安  
仁久悼亡絕境化  
成儒雅俗遠民爭  
識校讐郎典詞縣  
待修青史諫草當  
來露早囊不用臨  
流羨漁者便將纓  
足濯滄浪

徐積

雪

君看飛雪競翩翩  
雲將爭驅正著鞭  
人望已酬殘臘後  
物華兼值早梅天  
招沽北掾輸平日  
走馬西州憶少年

漏屋旋消濡弊褐破窗穿過濕餘箋蹄涔易見眞窪滿  
糞土難辭僞色鮮席戶冷灰人削迹朱門熱炙客摩肩  
紛紛萬事還如此寂寂幽懷盡舍旃流水明中爭趁月  
斷鴻深處獨藏仙誰家漁棹空聞笛何處樵邨只見煙  
最好耕農相賀了牛衣醉卧夕陽田

王安石

送江寧彭給事赴闕

西江望士衆長兼卓犖傳家在一男壯志異時開史牒  
妙齡終日對書龕桂堂發策收科選櫻苑頒詩豫宴酣  
大邑援琴聊試可小州懷絃果才堪分臺拜職榮先入  
抗疏辭恩恥橫覃勁操比松寒不撓忠言如藥苦非甘

御選宋詩

卷六

徐積

王安石

十

龍鱗直爲當官觸虎穴寧關射利探朱轂獸頭終協夢  
粉闈雞舌更須舍均輸北轉荆門鷁勸課西臨蜀市蠶  
期信有兒迎郭伋食貧無地乞羊曇繫垂鈴棧駝鳴圖  
節擁棠郊虎視耽歸見廣墀瞻斧藻對揚初服改朱藍  
進班華省財方阜出按窮邊虜稍戡帝命賈琮當冀北  
民歌姬奭次周南投壺饗客魚無乙伐鼓蒐兵馬有驥  
鯨鬣掀紅旗沓沓虬髯吒黑燾鬚鬚威加諸部風霜肅  
惠浸連營雨露涵大斗時時能劇飲輕裘往往祇清談  
乾龍已應天飛五晉馬徐觀晝接三道在君臣方自合  
德侔卿長亦誰慙便蕃肯較平生寵放曠皆知雅性耽  
委佩去辭廷殖殖揚舲來得府潭潭一尊客語從容盡

千里人情委曲諳豈但搢紳稱名杜故多扶杖祝彭聃  
幕中俊乂閒刀筆帳下驍雄冷劒鐔楚地怪須留汲黯  
蕭規疑欲付曹參從來貴勢公何慕自是賢名上所貪  
未信逸身今已老且當憂國母如憒論心邂逅膠投漆  
搔首低徊雪滿鬢鎮撫未驚移歲月追攀曾許賞煙嵐  
餘歡遽隔新亭餞宿惠難忘舊館驂卷曲尚誰知散櫟  
崢嶸空此詠枯楠

鄭俠

謝工部徘徊堂

高堂增構廣幽齋鑿破青青遍地苔雲入洞房疑有氣  
月當疎牖若爲開路無荆棘皆新闢砌得芝蘭是舊栽  
流水聲中迎送屐綠筠叢下獻酬杯達生不爲休塵慮  
齊物元由悟本來終見東山報重起未登蒲乘且徘徊

馮山

送徐之才赴洋州

三河使指皆精選八座郎官最上遊袖手看人趨要職  
息肩隨分領偏州遐方暫屈嚴明府舊部爭迎郭細侯  
常愛昔人爲郡樂不妨循吏與民休枌榆指顧秦川近  
臺榭周環灤水流闕下子牟心感慨天涯賓客老淹留  
方將振羽趨庭鷺豈便忘機狎海鷗青漢繞山迎隼旆  
北風吹雪犯貂裘從來恩館深仁遇依舊鄰封竊庇庥  
遠別不唯思酒盞相忘何事更書郵郢中無和陽春曲

時寄新聲欲強酬

春遊

依約東風共出城雲容羞日弄陰晴看人牆外衝花氣  
下馬石間聞水聲林蘂半從樵刃起草芽還傍燒痕生  
趁時桃李參差發得意禽蟲各自鳴開謝眼前窮物態  
豐登時下見民情悔將詩筆隨春酒萬景投懷醉不成

蘇軾

次韻周開祖長官見寄

俯仰東西閱數州老於岐路豈伶優初聞父老推謝令  
旋見兒童迎細侯政拙年年祈水旱民勞處處避朝謳  
河吞巨野那容塞盜入蒙山不易搜仕道固應慚孔孟

御選宋詩

卷六

馮山

蘇軾

三

扶顛未可責由求漸謀田舍猶懷祿未脫風濤且傍洲  
惘惘可憐真喪狗時時相觸是虛舟竭來震澤都如夢  
只有苕溪可倚樓野釀酸甜如蜜水樂工零落似風鷗  
遠思顏柳并諸謝近憶張陳與老劉風定軒窗飛豹脚  
雨餘闌檻上蝸牛舊遊到處皆蒼蘚同甲惟君尚黑頭  
憶昔湖山共尋勝相逢杯酒兩忘憂醉看梅雪清香過  
夜擢風船駭汗流百首共成山上集三人俱作月中遊  
海南未起垂天翼澗底仍依徑寸麻已許秋風歸便得  
豫憂詩筆老難酬此生歲月行飄忽晚節功名亦謬悠  
犀首正緣無事飲馮驩應爲有魚留從今便躡青州麴  
薄酒知君笑督郵

次韻樂著作野步

老來幾不辨西東，秋後霜林且強紅。  
眼暈見花真是病，耳虛聞蟻定非聰。  
酒醒不覺春強半，睡起常驚日過中。  
植杖偶逢爲黍客，披衣閒詠舞雩風。  
仰看落蕊收松粉，俯見新芽摘杞叢。  
楚雨還昏雲夢澤，吳潮不到武昌宮。  
廢興古郡詩無數，寂寞閒窗易粗通。  
解組歸來成二老，風流他日與君同。

次韻楊褒早春

窮巷淒涼苦未和，君家庭院得春多。  
不辭瘦馬騎衝雪，來聽佳人唱踏莎。  
破恨徑須煩麴蘖，增年誰復怨羲娥。  
良辰樂事古難並，白髮青衫我亦歌。  
細雨郊原聊種菜，冷官門戶可張羅。  
放朝三日君恩重，睡美不知身在何。

御選宋詩

卷六

蘇軾

三

和致仕張郎中春晝

投綬歸來萬事輕，消磨未盡祇風情。  
舊因尊菜求長假，新爲楊枝作短行。  
不禱自安緣壽骨，深藏難沒是詩名。  
淺斟杯酒紅生頰，細琢歌詞穩稱聲。  
蝸殼卜居心自放，蠅頭寫字眼能明。  
盛衰閱過君應笑，寵辱年來我亦平。  
跪履數從圯上老，逸書閒問濟南生。  
東風屈指無多日，只恐先春鶻鳩鳴。

生日王郎以詩見慶次其韻并寄茶二十一斤

折楊新曲萬人趨，獨和先生于菟于。  
但信櫝藏終自售，豈知盃脫本無樨。  
竭從冰叟來游宦，肯伴臞仙亦號儒。

棠棣並爲天下士芙蓉曾到水邊郭不嫌霧谷埋松柏  
終恐虹梁荷棟桴高論無窮如鋸屑小詩有味似連珠  
感君生日遙稱壽祝我餘年老不枯未辦報君青玉案  
建溪新餅截雲腴

蘇轍

記歲首鄉俗寄子瞻二首 錄一首

踏青

江上冰消岸草青三三五五踏青行浮橋沒水不勝重  
野店壓槽無復清松下寒花初破萼谷中幽鳥漸嚶鳴  
洞門泉脈龍睛動觀裏丹池鴨舌生山下鉞罌霑稚孺  
峰頭鼓樂聚簪纓縵裙紅袂臨江影青蓋驂騶踏石聲  
御選定詩 卷六 蘇轍  
曉去爭先心蕩漾暮歸誇後醉縱橫最憐人散西軒靜  
曖曖斜陽著樹明

送王恪郎中知襄州

魏公德業冠當年汝守威名竦漢邊將相傳家俱未遠  
子孫到處各推賢風流最喜君眞似符竹連分政得專  
峴首重尋碑隋淚習池還指客橫鞭逃亡已覺依劉表  
寒俊應須禮浩然當有郡人知古意攔街齊唱接羅篇  
和毛君新葺困菴船齋

厭居華屋住東菴眞味全勝食齋甘多病維摩長隱几  
無心彌勒便同龕誤遊田舍空成笑謬入僧房即欲參  
風霽不知吹有萬月明聊共影成三齋如小舫才容住

室類空困定不貪擁褐放衙人寂寂脫巾漉酒髮鬢髮  
畫囊書帙堆窗案藥裹瓢樽挂壁籃簷竹風霜曾不到  
盆花蜂蝶未全諳公餘野鵲驚初睡賓醉佳人笑劇談  
勸客巨觥那得避和詩難韻不容探曉來霏霧連江氣  
冬後溫風帶嶺嵐去國屢成還蜀夢忘憂惟有對公酣  
終身狗祿知何益投檄歸耕貧未堪借我此菴泥藥竈  
古書鴻寶試淮南

蘇頌

同賦山寺郁李花

小樹扶疎若剪裁新英濃淡對山齋青紅相間垂羅帶  
華葉同開綴寶釵未必無言芳徑列須看成實翠珠排  
御選宋詩

卷六

蘇轍

蘇頌

彭汝礪

十五

彭汝礪

寄伯兄兼問子文二首

富貴浪圖雖汨汨詩書餘力尚桓桓聖門一室相從易  
世路多岐欲合難儀鳳穩移深閣宿老蛟寒即碧溪蟠  
青雲有侶歌魚藻空谷無朋唱考槃緣木退藏沖漢翼  
扁舟歸整釣鼇竿臨風願聽王陽仕洗手思彈貢禹冠  
壯志當年欲請纓孤宗今日尚飄萍塵埃易染羈容黑  
氣義難邀俗眼青馮客劒寒長自擊伯牙絃古欲誰聽  
風雲勇膽馳燕塞社稷丹心望漢庭思入鵲原愁四散

夢馳鶯谷涕雙零客悰願託詩情見吟盡清宵卒未醒  
張耒

清明卧病有感二首

支離病卧逢佳節漂泊西遊寄洛城重帽避風惟益睡  
青筇扶步不禁行紅飄淺萼知風急綠滿新林寄鳥聲  
不見賈生遺宅處空傳金谷舊園名悲歌身世驚將老  
悵望古今空復情笑看家人競時節爭持新火照清明  
飄萍著處即爲家伏枕悠悠對物華處處鞦韆競男女  
年年寒食亂風花藥囊親坐勞頻檢酒甕生塵亦可嗟  
未老會尋吳市卒苦貧須種邵平瓜雲煙南望羣山會  
水樹東浮去路斜行止此生應有命不須辛苦問生涯

御選宋詩

卷六

張耒 朱長文

六

朱長文

送知府滕光祿

榜登龍虎亞倫魁一紀橫飛長憲臺謨議軒昂開日月  
辭章雄偉鼓風雷朝端已慶明良會廟論咸推將相才  
一跌雲衢成老大幾遷方面歎還迴致君事業看雙鬢  
經國風猷付玉杯驅弩屢驚園令出引車還喜買臣來  
展墳乍覺青松長視學追懷絳帳開榮滿江山增氣象  
仁雷里巷舞兒飴齊雲晚詠難留白

白傳將去蘇有齊雲樓晚望之作

綠野

新居欲繼裴淮海巨藩雖重寄傳巖須起作鹽梅

喜雪上太守

築壇精禱意通神零雨先期澤此民驟作六花猶及臘



更遲一日即回春斜飄燕寢初驚密平壓高樓漸喜勻  
千里山河忘險隘十門坊市絕埃塵謝庭賀燕凌晨集  
郢曲歌聲遇景新細入吟窗粘凍壁輕隨舞袖落華茵  
膠舟漸進危檣遠汲井彌甘短綆伸遍壅枯根蘇杞柳  
巧裝寒葉活松筠終朝訟息延嘉客幾度年豐達紫宸  
力可回天消旱暵爲霖豈待傅巖人

劉夤

贈致政曾宣德十二韻

自得逍遙物外情肯將冠冕謾勞形門前始種先生柳  
斗下重添處士星文豹霧中誰逐逐飛鴻天外自冥冥  
最憐孤竹人高卧却訝三閭客獨醒放曠七賢林下洞  
御選宋詩

卷六

朱長文

劉夤

傅察

七

傅察

晚登清微亭次祝教授韻

雉堞亭亭倚翠微高樓裊裊弄清晴共邀佳客扶筇杖  
驟喜涼風振羽衣過眼山川顏色好投林鳥雀噪聲稀  
月搖翠浪明珠碎雲滿金波破鏡飛雄辯琅琅如落屑  
新詩句句似連璣自憐性癖耽幽寂却恨恩恩便賦歸

王庭珪

和歐陽廣明竹間桃花

雨罷新花明曉日竹陰瑣碎錯黃金牆頭過盡雙飛蝶  
葉底巧啼何處禽玉女洗妝勻淺淡老龍脫籜著青深  
柔姿敢並高標立直節時容粉面侵愛客分明莫來折  
坐輿徑造不須尋桃花落後春事已惟有清風滿竹林

張綱

次韻蘇晉翁見寄

不見梁王舊吹臺年來愁眼向誰開求賢廊廟無虛日  
報國涓塵自乏才直指謾能迎柵具永懷寧敢詠金壘  
相看鬢髮霜千丈自視文章水一杯晚歲可憐神氣索  
御選宋詩卷六王庭珪張綱蘇籀  
故人猶寄好詩來追還正始真堪喜突過黃初豈易陪  
婉孌也知能度曲葡萄應已釀新醅何時東閣容驚坐  
一日那辭一百迴

蘇籀

仲秋苦熱半格一首

老火薪蒸鼎竈然柔金低伏聽燔煎虛窗疊疊攢三峩  
冷枕清飈直萬錢俛仰生涯恃林井包纏冠紱哂觥甌  
朝蠅夕蚋嗟何集山雪河水渴沃湔子夜涼生秋思肇  
午時炎熾赫曦鮮陰饒華楠單絺叟嬉愛清川泳月船  
巾幘垢氛勤醜濯果肴剝萃新妍芸夫望望瞻雲漢  
鉦鶴聲聲喚碧天瀑水何山千尺瀉洗心安得賞懸泉

崔與之

送表校書赴湖州別駕

秘書監

奎壁光芒久聚東奏篇入獻大明宮胸中抱負經綸業  
筆下鋪張造化功四海高名如日揭一襟和氣與春融  
誰知正大傳家學惟有擎拳體國忠華踐峻登羣玉表  
清修屹立急流中校讐正對青藜月關浹俄分畫戟風  
自喜合簪方袞袞不堪分袂太怱怱送君悵望雲帆別  
顧我凋殘雪鬢蓬戢羽孤棲憐病鶴脫身高舉羨冥鴻  
星躔已應魁三象天路須知尺五通若水臘前新蟻綠  
橘洲霜後巨螯紅清談岸幘聊遊戲獻納歸班萬口同

汪莘

御選宋詩

卷六

崔與之

汪莘

九

贈祁門不老山高法師

鼇山萬仞峙璇霄上有高真道寂寥  
足壯能軒物表洗心清不沈塵囂  
洞天別有風光異人世那知宇宙遙  
雲覆醮壇閒悄悄煙凝仙室靜蕭蕭  
步虛韻穩聽晨禮環珮聲遲識晚朝  
飯啗青精顏色好詞歌白鶴利名消  
囊空阿堵緣辭寵匣蓄干將爲斬妖  
折角巾多裁氎布隱居衣盡屏鮫  
綃神遊汗漫趨蓬島禹步迴旋指斗杓  
九轉丹砂盈日月三千功行繼松喬  
密渠細石通泉竇斜插疎籬護藥苗  
甕裏春醪斟琥珀壁間修扇閣芭蕉  
蟠桃欲熟人爭竊野菜初生手自挑  
花卉得時舒錦繡餅湯娛客奏笙簫  
長松夭矯龍千尺嫩竹琳瑯玉萬條

鳳翅亂峰森洞口羊腸微徑繞山腰牀眠瘦木肱常曲  
兀坐文藤足屢翹袞袞騫河傾俊辯温温和璞琢孤標  
我慙未躍三春浪君去行看八月潮好把陰功拯存沒  
西歸宜早買吳舳

周弼

仲宣樓

仲宣徙倚思歸後又復誰傳獨步名自昔城闈雖尚在  
至今波浪未嘗平半規赤日沉荒渚一縷黃煙起廢城  
梅落碎花催塞色葭橫響葉弄邊聲驚寒牧馬頻回顧  
趁暖賓鴻漸北征况乃有懷傷歲暮登樓那不動鄉情

汪元量

御選宋詩

卷六

周弼

汪元量

葛長庚

二

鳳州

鳳州山館有清輝古木扶疎散陸離紅尾錦雞鳴古埭  
綠頭花鴨蕩幽池荷聲策策秋來後桂樹團團月上時  
病馬嚙芟思故樞驚烏繞樹宿何枝三分割據人如夢  
滿目興亡客似癡走筆成詩聊紀實岷峩風土出蹲鴟

葛長庚

捲雪樓

煙水蒼蒼古渡頭神鴉噪罷纜方收泊舟鳧渚鷗汀晚  
夜入蘭宮桂殿秋綠葦黃蘆悲落日白蘋紅蓼鬧滄洲  
冥冥千古今如夢浩浩長江不管愁雁陣歸時雲似幕  
風檣高處月如鉤驚濤飛起銀花舞萬頃寒光十二樓

御選宋詩卷第六十

御選宋詩

卷六

三



